



Hans Aronsen, Inuit Ataqtigiit
-/ Maani

**Umiarsuarmik Kangaatsiamut tikittoqartarnissaa pillugu § 37 naapertorlugu
apeqqummut nr. 107-imut akissuteqaat**

03-06-2014
Sags nr. 2014-099958
Dok. nr. 1594973

Asasara Hans Aronsen

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

Kangaatsiap imaatigut angallavigineqartarnissaa pillugu apeqquternut qujanaq. Ilaasunik angallassineq pillugu kiffartuunneqarnissamut isumaqatigiissutissat pilersaaruserlugit suliarineqarnerat Naalakkersuisut aallarereerpaat. Tassunga atatillugu ilaatigut kommunit aamma soqutigisaqartut allat akuutinneqarput. Neriutigaarput sapinngisamik pitsaanerpaamik angallassinermut aaqqissutissat aningaasaqarnikkut sinaakkutissat ajornartinnngisaat pilersaarusiussagivut. Taamaattumik sammisaq pillugu isummat aamma tusarakku nuannaarutigaa.

Apeqqutitit matuma kinguliani akissuteqarfigineqarput.

1. Naalakkersuisunit ilisimaneqarpa Kangaatsiamiik Sisimiunut, Maniitsumut Ilulissanullu imaatillugu toqqaannartumik ilaasunik angallassinikkut angalanissaq ajornarluinnarmat?

Ullumikkut Namminersorlutik Oqartussat Kangaatsiamut tassanngaaniillu ilaasunik angallassineq kiffartuunneqarnissamut isumaqatigiissutit, aasaaneranut tunngatillugu Disko Line-mut isumaqatigiissutigineqartut, aqutigalugit tapersiivigisarpaat. Disko Line Kangaatsiamiit Aasiannut aquteqartitsivoq, tassanngaaniit ingerlaqqiffiusumik aquteqarluni.

Kangaatsiamut assartuussinerup pitsanngorsarneqarnissaa Naalakkersuisut sulissutigisimavaat. Taamaattumik tassunga atatillugu ilaatigut Kangaatsiamut imaatigut angallassinermi sapaatip akunneranut aqutit ataatsimik ilaneqarnissaannut 2014-imut Aningaasanut inatsimmi aningaasanik amerlanerusunik immikkoortitsisoqarpoq.

Disko Line-p angallavissaq taanna tallimannngornikkut pisartussanngorlugu inissippaa, tassani Ilulissat – Aasiaat – Kangaatsiaq – Attu utimullu angallavigineqarluni.

2. Ilaasunik kiffartuussineq pitsaanerutikkumallugu Kangaatsiaq sinersortaammik aqqusaarneqaaqqissinnaalernissaa isumaqatigiissummi nutaassami naatsorsuutigisinnava?

Kangaatsiaq Qeqertarsuup tunuani aasaanerani Disko Line-mit sullissivigineqartumi ilaavoq.

AUL suliffeqarfiuvoq niuernermik tunngaveqartumik ingerlasoq, tamannalu isumaqarpoq AUL illoqarfanni umiarsuaatillip niuernermik tunngaveqartutut naliligaannut tikittarpoq. Tamatuma saniatigut AUL amigartooruteqarnissamut qularnaveeqqusiissuteqarnikkut

tapersiivigineqarpoq, tassani Kitaata sineriaani umiarsuaatillip angallassinissaa qulakkeerneqassalluni. Taamaattoq amigartooruteqarnissamut qularnaveeqqusiinerup Naalakkersuisut AUL-imut sumiiffinnut sorlernut tikittassanersoq naalakkiinissamut periarfissaqartingilaa.

Oqaatigineqartutut kiffartuunneqarnissamut nutaanik 2015-imiit atuuttussanik isumaqatigiissuteqartoqartussaavoq. Tassunga atatillugu Naalakkersuisut suliaqartussatut soqutiginnittunut tamanut suliassanut assigiinngitsunut aaqqiissutissanik neqerooruteqarnissamik kaammattuipput. Taamaalilluni AUL suliassanut tamanut aaqqiissuteqarfiginissaannut soqutigisaminnut neqerooruteqarnissamik periarfissaqarpoq, ilanngullugu Qeqertarsuup Tunuani, Kangaatsiap ilaaffigisaani.

3. Tamannalu pisinnaangippat Kangaatsiamut sinersortaap aqquusaaqqit-talernissaanut suut piumasaaqatit naammassisimangilagut?

Apeqqummut 2-imut akissuteqaammi oqaatigineqartutut Naalakkersuisut neqerooruteqartitsinissamut suliap ingerlanissaa pilersaarusiiorpaat, tassani soqutigisaqartut isumaqatigiissutissanut assigiinngitsunut neqerooruteqarsinnaallutik. Isumaqatigininniarnernut atatillugu aningaasassat immikkoortinneqartut atorlugit annertunerpaamik sullissinermik pissarsiniarsarisoqassaaq. Tassani Kangaatsiamut angallassineq soorunami pingaartinneqassaaq.

Naggasiutigalugu aammaloorlunga apeqquternut qujarusuppunga, neriuppungalu matuma siuliani allassimasuni naammaginartumik akissutissarsisimassasutit.

Inussiarnersumik inuulluaqqusillunga



Steen Lyngé